

欽定大清會典事例

欽定大清會典事例卷一百六十五

戶部

田賦

屯田
量集令

營田

土司貢賦

丈量

丈

屯田○

國初差御史巡視屯田。後裁巡屯御史。歸巡按兼管。尋裁巡按。令各省巡撫布政使司管理。每歲造冊報銷。○順治七年題准。衛所屯田分給軍丁承種。其科徵較民地稍輕。今既裁汰歸併州縣。凡有運糧之衛所屯田。仍舊徵收。其無運糧之衛所屯田。均照坐落州縣民田例起徵。○九

年覆准運軍已經改民其軍衛田地照民地例
輸納各按坐落地方使有歸著以杜混淆○又
覆准廣東屯糧全徵本色屯丁苦累令本折各
半徵收○十年覆准江南秣陵廣武英武三衛
路隔長江輸糧不便照例折銀徵解○十三年
覆准屯衛錢糧考成照依州縣正項錢糧定例
○十四年覆准軍民冊籍不分賦役易於紊亂
嗣後民冊當差者衛所不得告攀軍冊有役者
州縣不得重派民佃軍田者照地納租毋得再
派軍役軍佃民田者止完正賦毋得派及民役

○十五年覆准四川利州等衛皆係軍籍未徵
丁徭令改入民籍一同當差○十八年題准雲
南衛弁職田向係收租準俸嗣後各歸衛所以
本七折三輸納○康熙六年覆准江南石城等
衛屯田改折太重仍舊徵收本色○十年覆准
廣東屯糧十倍民田減照民地重則起科○十
五年覆准各衛所荒田坐落州縣境內縣勘則
誑稱軍地衛勘則詭為民田令督撫嚴檄州縣
衛所各官逐一清查不得推諉以滋隱射○三
十四年

諭雲南屯田錢糧較民田額重數倍民甚苦累嗣後照河陽縣民田上則徵收○三十五年覆准雲南屯地亦照屯田例徵收○又覆准江南漕運按糧用丁屯田仍徵糧免其徵租○三十六年覆准湖南辰州衛歸併瀘谿縣該衛屯則糧重賦輕該縣民則糧輕賦重改照民田科則徵收○四十年題准湖南沅州龍陽黔陽靖州各屯田賦役全書內為刊之浮糧概行豁免○雍正八年覆准陝西甘肅所屬歸德所之保安堡額徵糧米令保安堡守備徵收如有未完照依分數議處

○九年題准廣東屯戶丁口向係按名輸納自雍正十年為始將額徵丁銀按額徵屯糧均攤徵輸○又題准運丁將田私典以致有田無租查明確是原丁及原丁的屬子孫力能贖回者照契取贖如非原丁及原丁的屬無人者不得混贖○又題准屯衛田畝准典與軍戶不得私典與民違者將田歸衛典價入官仍照例治罪

○乾隆元年

諭朕聞廣東有屯糧羨餘一項原係衛所官弁徵收每正糧一石收穀三四石不等除正米撥支兵餉外餘

穀悉係衛所官弁侵蝕入己。嗣後該督撫查出題報留備賑糶之用。但屯田額糧本重於民田。今以一石之糧徵收至三四石。屯民其何以堪。又聞各省軍田額糧較之民地亦重。從前軍田畝數原多。嗣後漸次清釐。田主亦屢經更易。而糧米仍輸舊額。自屬苦累。可傳諭各該督撫詳加查覈。將如何定額徵收並革除額外加徵之處議奏。欽此。各省遵

旨覈奏。由部覆准裁減豁免。○又覆准從前陝省公務浩繁。應役需人。於州縣屯丁內暫留為看守城樓倉庫及各衙門之用。每名給旱地一項。將額

徵銀糧應給役之用嗣後差務漸稀酌留裁減其存留各丁於每年原給銀糧外再動支存公銀二兩議裁屯丁所給地畝應徵銀糧照數徵收○又

諭浙省屯糧向來每石徵銀一兩康熙年間特恩減免改徵銀五錢五釐計算每畝徵銀八分有零惟嚴州一所遺漏未經減免每畝仍徵銀二錢一分五釐查杭州前右二衛屯田與嚴州相距咫尺每畝止徵銀一錢二分八釐零著將嚴州屯糧照杭州前右二衛科則徵收以紓軍力永著為例○又

諭粵西軍屯田畝。惟武緣一縣糧額較之下則民田每畝多銀二錢二分。未免過重。著將舊額酌減。每畝定以一錢徵收。永著為例。○二年

諭各省屯糧。科則輕重不等。州縣屯糧有較之民田過重者。有同一屯地而徵糧之本折多寡不同者。有同一科則而額糧之重輕相去懸殊者。念此屯民皆吾赤子。若地瘠糧重。未免輸納維艱。著該督撫秉公確覈。各就原額糧則之重者。酌量裁減。具題請旨。○又覆准甘肅所屬柳林湖等處屯田。地方遠闊。屯戶衆多。通判等官僅止數員。耳目難周。酌留熟

諸屯務之生監農民。並設立屯長總長渠長分
理。所需口糧盤費。在於存公項內動撥。○又

諭浙江温州衛屯田三百一十二頃。每畝徵銀一錢七
分零。台州衛屯田二百二十頃。每畝徵銀一錢四分
零。比本地民田較重。著照杭州前右二衛科則。畫一
徵收。永著為例。○四年覆准。陝西安西鎮屬口外屯
田。盡行開墾。儘可藉民田營田。以供兵食。嗣後
陸續召募農民商賈及兵之有餘丁者承種。所
獲糧穀。民得六分。官收四分。委安西道與通判
管理督率。餘地聽百姓報墾納糧。○五年題准。

出運漕船額設屯田止許得當年租銀不得層累疊加立券豫支至已經加租之田如力能回贖者即退還價值別租力不能回贖者俟租價滿日別租如指稱加租名色立券私交者將該丁革退與出銀租田之人皆依私典軍田例治罪其田追給新丁仍追取租價入官○六年覆准各省屯田定限一年無論在軍在民一併清出歸軍贍運○八年題准湖廣湖南所屬軍屯田地典賣與民相沿年久嗣後民賣軍田情願應差者准其管業如軍置軍產隨田應差者亦

准仍舊管業。其田均不准取贖。至民買軍田。不願應差。及軍買軍產田。去差存者。均准原丁取贖。若原丁貧不能贖。令典買者。每歲別助租費。以濟漕運。○又覆准湖廣湖北衛所屯田。各清出原額。除納賦之外。按量多寡。分別助費。官徵官給。均分各船濟運。其故絕逃亡之戶。民人頂種者。現在納糧貼運。實與屯丁無異。若此項田有出售者。仍令額軍歸買。○十二年覆准各衛屯田。果係典賣與民。許備價取贖。由衛所移明州縣。飭令民人收價退田。儻地方官不即飭退。

照承查遲延例。扣限分別察議。如不即備價。混控退田。以及一時草率不行詳查。誤以民田行移州縣取贖。旋即更正者。將衛所官弁。比照丈量地畝。不明白詳報例議處。若實係民田。與軍無涉。故作軍田捏報。希圖混冒者。比照荒熟田畝。不分析明白混報州縣官例議處。○三十七年議准。屯田典賣年久。免其撤回歸公。概令本丁取贖歸運。有不能贖回者。酌量加增津費。貼運。此次清查之後。凡旗丁自執之田。永禁典賣。僮私相授受。查出治罪。追價入官。○又議准。湖

南省別戶軍丁頂買者承買此船之田即當此
船之差活契仍聽回贖絕契概免回贖典賣在
民之田准別戶軍丁代贖承運歷年久遠造有
墳墓及出資開墾者免贖仍貼費當差本軍出
典之田有力隨時贖回不許另置民產如無應
贖屯產聽其置買民田○四十八年議准黔省
自乾隆二年於古州八寨台拱丹江清江等五
廳分設一百二十堡屯軍八千九百三十九戶
每戶給上田六畝或中田八畝或下田十畝附
近山地儘其墾種官給印照永執為業嗣後令

承佃屯軍該管小旗總旗百戶。於年終出具並
無私相出售甘結。該管廳弁巡道加結申送督
撫查覈。償不實力辦理。或互相徇隱。別經發覺。
分別參究。○五十三年議准臺灣東界內山番
地游民越界佃耕。漸成熟業。以致爭奪。現今丈
出已墾生熟番埔地一萬一千二百甲。每甲合
內地民田十一畝三分一釐。內民人租賃之地
同番社田畝免其升科。其賣斷與民者。照同安
縣下沙科則。按甲計畝徵銀。此外未墾荒埔地
五千四百四十甲。及入官荒廢埔地三千三百

八十餘甲。各社熟番新挑屯丁四千名。每名撥給埔地二甲。千總每員十甲。把總每員五甲。外委每員三甲。令其自行耕種。免其納賦。不給月餉。屯丁缺出。即挑其子弟充補。承受田畝。如有私行典賣者。按例治罪。追價充公。其地仍歸番社。集集埔虎仔坑。三貂琅崎等處。民人開墾田畝。與生番日久相安。照民買番地之例。一體升科。清查之後。再有越界私墾。從重治罪。失察地方官。一併議處。○又

諭金川屯番。遇有勦捕之事。屢經檄調。最為出力。該處

地畝在在皆山。土地硠瘠。自應儘番民墾種。自食其力。俾生計有資。乃從前地方官限定額數。既屬太少。而轉另招內地民人占墾。以致番民口食不敷。此項番地。即著詳悉確查。開墾地畝。酌定章程。按照撥給降番。嗣後不許地方官藉端擾累。遇有徵調出兵之家。即應酌量免差。俟一二年後。該降番等地畝較多。差徭又少。庶生計敷裕。元氣可復。○六十年覆准。四川新疆懋功等五屯。安插降番。每戶例給地三十畝。每年納糧二斗一升有零。此內挑選精壯一千名。以五百名為新屯練。給餉以五百名為

餘丁。不給月餉。今丈出荒地九千五百餘畝。賞
給降番食餉者五百名。每名加給六畝。不食餉
餘丁五百名。每名加給十畝。毋庸交納錢糧。章
谷一屯荒地不敷撥給。每戶舊有地三十畝。撥
出十畝。不令升科。再雜谷等五寨。撥出鈐制降
番屯兵內。驗看得精壯屯兵一百六十名。每人
給地十畝。亦不令交糧。所加地畝。作為公產。一
併隨缺管業。其四屯餘荒地一千餘畝。作為官
荒。不得另招占墾。○嘉慶七年。議准貴州銅仁
府屬石峴苗地。建立碉卡。安設屯軍四百名。每

軍百名。設百戶一名。總旗二名。每軍一名。分授水田四畝。百戶六畝。總旗五畝。免納租糧。均歸石峴衛千總督課耕作。其餘低窪田地以及山頭地角。作為公產。招佃耕種。以為屯堡礮卡歲修之用。○同治十三年。奏准江甯府上元江甯句容江浦六合五縣。均有屯田。夾入民田之內。科則與民田各別。大率米多銀少。除屯田最多之六合縣。並最少之句容縣。民屯尚能區分。堪以各歸各縣徵收。其餘上元江甯等縣。被擾之後。賦役全書均已毀失。現在民屯錯雜。莫可辨。

認應請仿照民地銀米一則科徵以歸畫一○
光緒十二年奏准上年查辦山西各屬丁糧歸
地案內襄陵縣平陽衛額徵屯丁糧銀漏未歸
併現若仍照額設屯丁按年徵收丁銀設遇有
丁倒缺額恐不免徒事追呼應請將該衛每年
額徵屯丁正銀三十六兩九錢七分二釐耗銀
四兩八錢六釐自本年為始併於該縣屯地按
等則均勻攤徵以昭畫一

營田○嘉慶二十五年九月

以謝興修營田水利雍正年間於近京設局經理曾著有

成效農田為足食之本。而溝洫之利尤大。使灌溉有
資。宣洩有備。即間值水旱。可資救禦。若能於北省多
闢水田。兼收南方杭稻之利。實與民生有裨。所有直
隸境內。著方受疇飭委妥員。相度各河淀水勢。仿照
雍正年間成規。設法經理。並多方勸導。能使水田歲
有增墾。收穫漸多。則小民必樂於從事。其山東山西
河南。並著該督撫各就境內一體籌畫。其可以經理
水田之處。各勸諭農民。次第興舉。需之歲月。以觀其
成。不可視為具文。用副朕惠民重食至意。○道光二

年

諭顏檢覆奏籌興水利一摺據稱寶坻豐潤天津三縣及舊有稻田各州縣現已飭屬訪查情形如可設法引水開種稻田再行委員經理等語營田水利為裨益民生之舉有可設法興修之處即應官為勸導使小民樂於從事著顏檢即飭該地方官確訪情形如一州一縣試有成效再行廣為增墾並嚴飭所屬務須妥為查辦不可任聽吏胥藉端騷擾轉失為民興利之意也○同治四年奏准陝西西安同州鳳翔延安乾州邠州廊州清查叛絕荒產興辦營田以資軍食土著取親族保結客民取同鄉商結發

給執照按地段次序授田分別水田旱田上中
下三等寬立租糧年限水田初年納正糧免交
租次年每畝上則輸租二斗中則一斗五升下
則一斗三四等年每畝上則輸租二斗五升中
則二斗下則一斗五升五六等年每畝上則輸
租三斗五升中則二斗五升下則二斗正糧均
照定例輸納六年以後上則每畝交足五石中
則四石下則三石准為己業不能交足仍照五
六等年輸納俟交足石數正糧無虧方准換契
管業旱田初年租糧俱免次年每畝上則輸租

一斗中則七升。下則五升。三四等年。每畝上則輸租一斗三升。中則一斗。下則七升。五六等年。每畝上則輸租二斗。中則一斗五升。下則一斗。正糧均照定例輸納。六年以後。每畝上則交足三石。中則二石。下則一石五斗。准為己業。不能交足。照水田辦理。北路山多地寒。上地照中則輸租。中下地均照下則輸租。正糧仍照定例輸納。○光緒十年議覆陝西省營田。自同治四年設局清查召墾。共計荒地四千一百二十七畝。至光緒六年夏季止。共墾荒地三千四百頃零。

四十餘畝。茲更定新章。凡召募開墾。催收折租等事。概歸地方官承辦。本省營田。向設專局。現裁撤該局。改為營田所。歸入善後局。派員分辦。嗣後將實有營田各屬。分別某州某縣。造具田畝數目。收銀科則清冊。於文到一月內送部。即。在冊內田數下。註明某縣現有若干頃畝。係已照年限發照管業之田。或尚未滿年限。應分年交租聽候給照之田。並將如何起科及科則銀若干。自十一年起。照一條鞭法。編入各州縣地丁起運項下辦理。其尚未發照者。將業戶應完

租數詳晰分開聲明至某年限滿發照以便隨時編入正賦未編入正賦之前地方官徵收勤惰俱分別功過以專責成

土司貢賦○康熙五年覆准四川廣西雲南貴州各土司係邊方世職其錢糧完欠不必照流官例考成○六年覆准四川石砭土司有山坡草地應納之糧均折銀按三年一徵○七年覆准各土官經徵錢糧一年內全完者督撫題明獎賞銀牌花紅永為定例○五十一年覆准四川化林協屬各土司三年一次貢馬照例折價

交收。○雍正四年覆准徵收土賦不許額外科
派私行需索。○六年題准四川松潘口外熱當
磨下二寨番民原納青稞因地方寒冷顆粒無
收每年照例改納馬匹。○八年

諭廣東瓊州府屬各處生黎皆誠心嚮化願附版圖輸
納丁糧朕念生黎無田可耕本不忍收其賦稅但伊
等既傾心嚮化若將丁糧全行豁免恐無以達其抒
誠納貢之悃忱著將遞年每名輸納丁銀二分二釐
之數減去一分二釐止收一分以作徭賦該地方文
武大員應時時訓飭所屬加意撫綏悉心教養務令

安居樂業各得其所。○又題准四川建昌鎮甯越營所屬番民等輸賦歸誠每年納穀糧二十二石歸入甯越營輸納撥充本營兵餉。○九年奏准土司故絕及以罪削除者開除歲貢馬匹。○十年議奏四川玉舒納克書南城巴喀等各番納馬一匹以十兩折徵奉

旨十兩尚多再減二兩。○十二年覆准四川阿臚等六枝夷民撥歸四川建昌鎮管轄照例三年一貢。○乾隆二年

諭向來四川土司舊有貢馬之例其不貢本色而交折

價者則每匹納銀十二兩。朕因四川驛馬之例每匹止給銀八兩。獨土司折價較多。蠻民未免煩費。比降諭旨。將土司貢馬折價照驛馬之數裁減四兩。定為八兩。以示優恤。至廣西土司每三年貢馬一次。亦係折價十二兩。所當一體加恩。使土司均霑惠澤。著照四川折價之例。每馬一匹減銀四兩。定為八兩。永著為令。○又覆准甘肅武都西寨珍堆三族番民。改土歸流。應納田糧折色。照例免徵耗羨。○又題准廣東新甯縣上川徭戶。素居內地。民徭相安。准其別立徭戶。將從前投寄民戶之荒熟地畝收

歸徭戶熟地輸賦荒地墾種升科其民戶寄糧
照數開除○三年

諭湖北所屬忠尚等土司田地應徵糧銀著照原額秋
糧銀數按田均輸作為定額毋庸別立科則○四年
題准四川建昌所屬本裏土司地方深山窮谷
產馬無多每年所納貢馬照例折銀至每年應
納蕎糧照折淨倉斗米價赴會鹽營上納供支
兵餉○十一年題准四川三齊等番民歸隸茂
州營管轄每年應納麥糧六十石按戶均算秋
收赴州完納○十二年覆准四川松潘廳屬番

民輪年貢納貝母年久苗稀照例令其納營交
營折給兵米。○又題准湖廣永順等處土苗田
地較之內地科則糧額輕減嗣因改土歸流已
入版圖內地百姓利其糧輕產賤陸續前往爭
相購買除從前內地人居住苗界已久置有產
業者不必令其遷居退產仍聽相安外此後無
論居住年分久暫並有無置買產業一概不許
再買苗田如有內地民希圖糧輕再買苗田及
土苗貪得重價賣田與民者將苗民分別責懲
仍令苗人備價回贖其有外來之民貪圖苗土

攜帶眷口前來者不許地方官給照經過塘汛亦不得放行如地方官不行稽查濫准買賣者照例議處○四十二年議准廣西慶遠等五府屬土司官莊田畝除已經典賣者勒限回贖外嗣後如有土司土民典買照盜賣律加一等治罪田給原主追價入官其違例典賣之土司降一級留任失察之該管知府罰俸一年若上司倚勢勒賣降一級調用該管知府降一級留任○嘉慶三年覆准黔省漢苗雜處地方彼此交易田地除年遠無人取贖之田仍令漢民管業

外其近年田產勒令苗民取贖將失察地方官議處嗣後漢苗永遠不許典賣田地違者將田地給還原主追價入官仍照例治罪其有業漢民按額收租之外如敢藉佃戶名目驅使苗民初責發落田給被役之人地方官徇隱查出嚴叅辦理○四年題准廣西鎮安府屬湖潤寨土巡檢乾隆十二年改土歸流三十一年改為巡檢相沿舊例三年額徵貢馬一匹折銀八兩水腳三錢六分永免徵解○道光十二年奏准湖南衡州永州廣東連州等處瑤人地畝山場除

道光十二年以前。售賣與民人者。照舊執業。外嗣後。民徭不准交產。違者將田產斷歸徭人。買主。照違令例責懲。

丈量。○順治十年。覆准直省州縣魚鱗老冊。原載地畝。坵段坐落田形。四至等項。間有不清者。印官親自丈量。○十二年。題准部鑄步弓尺。分頒直省。使丈量時。悉依新制。○又覆准州縣錢糧。與原額相符者。毋再紛更。其缺額地方。於農隙時。州縣官親率里甲丈量。上官以次受成。不得差委滋擾。○十三年。

翰林縣有地無糧有糧無地者逐一清丈。○十五年覆

准山東明藩田產相沿以五百四十步為一畝。

今照民地例勘丈。概以二百四十步為一畝。

五步縱十六步。○又覆准直省有荒蕪田畝。選委廉幹

官履畝清丈。毋得隱漏。○十六年覆准陝西虜

施縣地五畝零。折正一畝。甘泉縣地三畝零。折

正一畝。令地方官清丈。照舊徵賦。○十八年覆

准江南蘇松等府地糧荒熟混淆。令州縣官踏

勘分析造報查覈。○康熙元年覆准山東民地

內錯雜寔地。有在本省者。有在直省者。累年不

清令巡鹽御史及地方官清丈各正疆界。○四年覆准丈量弓尺均照舊式。如各州縣有私自更改者該督撫指名題參。○又覆准直省田地荒熟相間恐有隱占應踏勘丈量如有司及里書弓手攤派詐擾令督撫題參。○七年覆准陝西洛川縣地八畝零折正一畝。宜川延川縣地四畝折正一畝。令文明照舊改正。○十四年覆准湖廣地方大半濱江嗣有修築隄塍將隄所壓之田及兩邊取土之地文明估價補償原主。○雍正三年

論從來兩省接壤之地其界多有不清間有一省之內各州縣地界亦有不清者每遇命盜等事則互相推諉礦廠鹽茶等有利之事則互相爭競甚非息事寧民之意各省督撫其共矢公心毋存私見詳細清釐如與鄰省地界有不清者則兩省各委實在賢員公同勘定若本省內地界有不清者即委本省賢員勘定地皆朕土人皆朕臣此羸彼紕悉在朕版圖之內無容分視也雖地界或間有難定之處但平心勘畫即使稍有不協然一定之後久遠得以遵據永無推諉爭競之處於地方大有裨益矣○四年覆准內務

府網戶。從前有強占民間地畝。令地方官清丈。給還原主。如無原主。即行招種。○五年覆准。嗣後地方官遇訟涉田土。務宜清丈。以定界限。而除欺隱。○又奏。四川昔年荒蕪田地。漸皆墾闢。從來並未丈勘。止計塊段。插占管業。又土著與流民各居其半。田土不知頃畝。邊界均屬混淆。此侵彼占。爭訟繁興。於各部司官內揀選四人。命往川省。又於候補候選州縣內揀選十六人。令其帶往。會同松茂建昌川東永甯四道。將丈量事宜。秉公妥酌。分委帶往人員。逐處清楚。所

到地方令州縣官撥戶書弓手跟隨勘丈事竣
計算來川民戶按畝撥給新墾田分別水旱照
例升科備造清冊報部稽覈如有姦民脅衆阻
撓公事照聚衆至四五十人之例治罪地方官
不善撫綏以致聚衆者指名題參從重議處奉

旨此本內但稱姦民阻撓按律治罪並未議及百姓如
實有冤抑下情如何准其陳訴甚屬疏漏著通行曉
諭丈量案內百姓果有冤抑下情准其十數人同到
督撫或欽差官處控告秉公審理所控虛妄將本人
加倍治罪所請會同四道丈量著於小京堂科道內

揀選並令各部堂官將司官保送其帶往丈量之員於庶吉士主事中行評博候補候選州縣內揀選一併引見○又覆准江南安河淀等處至水家墩一帶地方新淤地畝差部院司官會同地方官及該管河員履畝丈勘又山鹽二邑沮洳水淀涸成高阜令清丈官員一併丈勘分別年分均給士民領種輸租○又覆准江南沿江濱海田地潮水衝激沙土坍塌居民於新漲地內開墾成田久不升科而所坍塌田地舊額猶存行令督撫擇委賢員清丈新墾者令據實確報升科果係無

田輸賦者。准予開除。其餘凡有此等田地。均令清丈。○六年覆准。沿江濱海淤漲地畝。五年一丈。新墾者升賦。坍塌者除賦。○七年覆准。陝西朝邑縣與山西蒲州接壤。原以黃河為界。河流西徙。則西坍地畝。朝邑尚在。賂糧東漲。田疇蒲民率多占墾。界址混淆。紛爭不息。嗣後清丈分界。將二省錢糧應豁應徵。確查定議。○八年覆准。四川田地奉

旨命科道等官會同川省四道丈量事竣。松茂道屬原冊載上中下田地萬八千一百十有八頃。山下

地占種二千五百五十三石各有奇今丈得十
有四萬九千八百四十七頃八十九畝下地占
種及衛地糧共六千七百七十四石八斗應徵
丁條糧租徭銀二十四萬八千六百三十六兩
各有奇川東道屬原冊載上中下田地九萬九
千八百四十頃有奇今丈得十有九萬八千七
百三十一頃七畝酉陽石碓六土司報納秋糧
千四百十石一斗應徵丁條糧及折徵銀共十
有九萬八千八百二十八兩三錢又石碓司應
納倉斗米豆折徵銀九兩五錢各有奇永甯道

屬原冊載上中下田地萬八千七百四十頃有
奇。今丈得三萬八千七十六頃三畝。應徵丁條
糧銀七萬四千一百八十八兩二錢有奇。建昌
道屬原冊載上中下田地二萬二千一百五十
四頃有奇。今丈得四萬三千二百十有七頃十
有六畝。冷邊長官司報增籽種二石四斗。應徵
丁條糧折色馬價差期銀十有一萬三千二百
六十兩二錢。蕎麥糧萬六千百有七石一斗。本
色倉斗米豆萬八百二十四石三斗各有奇。均
照清釐田地科則徵收。按年造入奏銷冊。具題。

查覈○十三年覆准江南江蘇所屬腹內地畝
為漕田近水泥灘沙地為蘆洲均有坍漲或漲
墾不報升科或坍荒不為請豁或新漲已成漕
田仍報升蘆課或蘆洲久成熟地並不轉則升
科均應履畝清丈如原係報升蘆課已經開墾
成熟者令隨本處漕田則例轉科其接連漕田
之新漲勘明實係漕田照漕田報升不得捏稱
蘆地其實在坍缺者即為豁除○又覆准公占
田地如開河築隄建立營房等項及水衝沙積
荒廢田畝不能開墾者覈明分別豁減○又覆

准坍漲田地責令業戶將坍漲之處隨時取具里鄰甘結呈報以憑清丈升除其並無坍漲之處亦取具業戶里鄰甘結存案統於奏銷案內分析具題至屆五年清丈之期仍照定例委員履畝確勘如隨時丈勘有升除不確之處即將承辦之員指叅○乾隆元年

諭朕聞濱海之鄉坍漲不常田無定址於是豪強得恣侵占而爭端日興其責在地方有司熟悉土宜按制定法弭釁於未然而平其爭於初發則可為良吏矣夫州縣有司非盡不知愛民者特以田土情形未能

稔恣。不得不寄耳目於吏胥。而猾吏姦胥。又往往與
土豪交通。變亂成法。予奪任意。弱肉強食。為厲無窮。
獄訟繁興。端由於此。至於沿海所漲之沙。鄰邑互爭。
有司又各袒所屬。益滋紛擾。此皆徇私而未識大體
者。朕以天下為一家。而州縣官各膺子民之責。亦當
體朕之心。以為心。又焉忍伸此屈彼。長其姦而導之
攘奪哉。前此海濱要地。增設大員。彈壓果其秉公察
看。經理得宜。應即令界址畫然。各歸其產。不當遷延
歲月。仍假姦民之便。而使窮黎久致失業也。夫豪強
不懲。則無以安良善。經界不正。則無以杜爭端。該督

撫應飭所屬親民之員。毋以姑息怠緩從事。庶令民業各正。而爭訟亦自少息矣。○又覆准江甯溧水高淳六合四縣有田在此縣而完糧在彼縣者。謂之寄糧。令各該縣將坐落區圖田畝科則造報。委員勘丈確實。將應徵錢糧畫清。改隸於有地之縣入額辦賦。○又覆准沿海沙田坍漲。靡常。令五年清丈一次。坍者題報豁免。漲者造報升科。果無坍漲。亦即題明。毋得彼此抵補。○三年奏准江南常州府屬靖江縣田賦。坍則均減。漲則均增。五年清丈之例。從未舉行。以致一戶報

坍而通邑減一戶報漲而通邑增糧無定額民
鮮適從今照例遴員履畝確查升免實數造冊
題報○五年奏准直省弓尺長短不齊令各督
撫將現行丈地之弓尺較準長短製造式樣送
部存案凡有應丈田地照依各本省送部弓式
秉公文勘如有私行增減任意贏縮將丈地官
嚴行治罪督撫等失察一併議處○十五年奏
准自順治十二年部鑄弓尺頒行天下康熙年
間復行嚴禁如有贏縮定以處分迨後各省弓
尺多有不齊參差無定乾隆五年行直省各將

該地方舊用弓尺。開明報部。惟直隸奉天鹽場仍遵部頒弓尺。並無參差不齊。至山東河南山西。江蘇安徽福建浙江湖北陝西等省。或以三尺二寸。或以四尺五寸。或以六尺五寸。或以七尺五寸。為一弓。或二百六十弓。或七百二十步。為一畝。長蘆鹽場三尺八寸為一弓。三百六十弓。六百弓。六百九十弓。為一畝。均未遵照部頒弓尺。今若令各省均以部定五尺之弓。二百四十弓。為一畝。儻部頒弓尺。大於各省舊用之弓。勢必田多缺額。正賦有虧。小於舊用之弓。又

須履畝加徵與民生未便且經年久遠一時驟
難更張除直隸奉天等省原遵部頒弓尺毋庸
置議外其山東河南等省弓尺不齊之州縣已
據各該撫開明不齊緣由報部存案亦毋庸再
議增減嗣後有新漲新墾升科之田務遵部頒
弓尺丈量不得仍用本處大小不齊之弓如有
私自增減贏縮照例處分○四十一年議准陝
西同州府屬之朝邑華陰與晉省蒲州府屬之
永濟暨黃河漲出灘地履勘明確已種熟地十
六頃餘畝並未種老灘鹼地均以六分給晉民

以四分給秦民耕種築牆樹木立界將來河流
遷徙再有坍塌照依分定界限隨時報勘升除
每畝徵租一斗永為定額歸入各本省地丁案
內另款造報奏銷○五十六年議准各直省荒
地州縣官冊報開墾該督撫即另委隔屬賢員
履畝勘丈所墾與所報之數果屬相符取結送
部照例分別六年十年入額起科儻丈勘不符
將原報官議處如委勘之員一時蒙混發覺後
將委查出結官一併查議將屆升科時該撫按
年委員覆加查覈如果有坍塌更改之處據實

具題請豁其成熟田地仍分別升科如有應行
改正而互相徇隱者照荒熟地不分析明白例
議處○嘉慶十八年題准浙江海甯州屬南沙
地畝改隸蕭山縣管轄如有漲阜新沙查係原
坍漲復仍歸海甯州原業認升如係天漲新沙
准歸蕭山縣民認升均不得妄行爭執○十九
年覆准浙江省蕭山縣南沙境入官沙地一萬
一千七十五畝每畝徵銀一分四釐按年造冊
題報查覈○道光八年

諭御史蔣泰階奏崇明一帶沙地偶然漲出多為土豪

霸占。近因爭地釀覺訟案紛起。請飭各州縣勘明。此等河灘。毋庸紛紛查辦。等語。此項沙地。坍漲靡常。沙棍乘機霸占。恃強逞兇。屢釀巨案。最為該省惡習。著陶澍體察該處情形。應如何息爭杜訟之處。據實奏聞。欽此。遵

旨議定。江南崇明縣有沙無田。歲徵沙課。向有常額。漲不報。坍不豁。賦統歸三年。大丈於原額課攤。增攤減其餘各屬。凡有坍沒沙洲。均令地方官隨時勘明。將賦課詳咨。豁除不得留糧待補。如有新漲洲地。無論子母相生。江心突漲。一概歸

公責成沙總呈報由地方官勘明定課議租召佃承種免其繳價或有轉則升科之處隨時專案報部統於大文案內彙題○同治五年豁免浙江嘉善縣丈缺地畝攤徵銀米○光緒八年覆准江蘇省光緒六年大丈之期展至光緒十年作為大丈期限該督撫務於展限期內將各州縣蘆洲田地丈量清楚造具大丈清冊照例具題即以具題之年為始扣至十年再行大丈以復舊制○又

諭張之洞奏山西豐富兩廳現辦押荒事宜請仿照

直隸章程先行由部頒發空白執照。並知照謙禧
飭旗蒙各員會勘辦理等語。押荒升科於地畝丈
清後自應即時發給部照。方能取信於民。藉免耽
延刁難等弊。即著戶部頒發空白執照三千張。俾
資應用。並飭謙禧嚴飭旗蒙各員會同張之洞所
派之員詳勘辦理。於耕牧劃分地界之處。確切指
實。不得藉端需索。意為出入。以致將來仍留葛藤。

○又覆准江蘇江陰武進寶山三縣沙洲田地
丈量清楚。課銀先行啟徵。○又覆准江蘇丹陽
縣丈量蘆田。應升科銀。先行啟徵。○又覆准江

蘇南匯縣丈量新漲沙洲課銀。先行啟徵。○又
覆准江蘇上海縣丈量各沙灘地課銀。先行啟
徵。○又覆准江蘇丹徒縣丈量沙洲課銀。先行
啟徵。○九年奏准山西甯遠廳官荒牧地內有
押荒升科之察漢博浪繼公廠地一段。六年查
丈時。共熟地四百二十八頃七十五畝。每畝徵
銀一分四釐。共徵銀六百兩二錢五分。隨徵耗
羨三十兩一分三釐。本年查出續有開墾。逐加
勘丈。共熟地四百七十五頃八十七畝八分四
釐。實徵銀六百六十六兩二錢三分。耗銀三十

三兩三錢一分二釐。○又覆准江蘇常熟縣丈量沙洲課銀。先行啟徵。○十年奏准熱河海龍城地畝原額暨復丈。共計地一百二十九萬餘畝。每年約收東錢十二萬九千餘串。○十一年奏准山西豐鎮甯遠兩廳官荒馬廠積弊甚重。現派委員分投勘丈。將該兩廳地八千三十餘頃一律查勘清楚。徵收押荒銀十二萬五千九百餘兩。其已經丈量未給部照未交押荒地一千八百九十餘頃尚不在內。實足杜隱匿而清軫轄。○十三年覆准廣東沙田援照勘辦山西

豐甯馬廠成案。頒發空白部照。設局查辦。徧行清丈。給照升科。○又覆准江蘇省光緒十年分大丈江甯所屬上元等一十四州廳縣蘆田。有亂後啟徵入額田畝。其升坍轉重變減田地。應增應除課銀。分別漲坍升除。又上元等四縣被兵坍缺田地。亦就數開除。

丈量禁令。○順治十五年覆准州縣衛所丈量地畝。遲延及丈量後不即確報。不送文冊。檄催又不申詳。及監丈互相推諉者。分別議處。○康熙二十八年奉

旨。丈量地畝。地方經營各官。務須潔己奉公。實心任事。毋得藉端科斂。如有濫派滋擾者。事發。照貪官例從重治罪。○雍正三年定。凡丈量疆界。於農隙之時舉行。所委官員。不得私受請託。收取餽遺。及科派百姓騷擾。經過地方。發覺。從重治罪。○五年議准。丈量之時。若有豪強脅眾阻撓公事者。照例治罪。○六年覆准。首報隱匿田畝。業主於丈量之日。向通作弊。丈多報少者。弓步手及里胥。照例治罪。業主仍以隱匿論。○十三年。

諭。江南。江西。湖廣等省。蘆洲均係沿江沙灘。坍塌漲靡。定。

是以定例五年一丈令地方官踏勘據實報聞而不肖官吏往往藉此納賄行私已坍者不得豁除正賦新漲者又可脫漏升科此等積弊甚為民害嗣後屆期丈量令該撫於通省道員內選賢能夙著者率同州縣履畝清釐凡有贏縮均按現在實數升除毋使漏課亦毋使賠糧如不肖官吏或有藉端需索等弊即指名叅處不得姑容徇庇自干咎戾○乾隆四十四年奏准蘆洲坍漲該管州縣於業戶具報時註冊通詳立案屆五年大丈之期督撫遴委道員率同州縣清丈是年適有甫報坍漲令州縣

官於十月水涸後勘明歲內彙冊詳報該道於
開印後覆勘據實升除限四月內完竣移司彙
總於六月內詳題如有需索隱漏及徇庇遲延
分別叅處○嘉慶二年奏准江蘇淮徐所屬及
揚州府屬之高郵寶應等州縣極窪田地河湖
漲溢湍溜刷深委員履畝確勘除地勢稍高仍
照原則銀米徵輸外極窪田畝改種蘆葦照賦
減則嗣後設遇水旱概不報災○十七年奏准
江南沙洲坍塌責成道府督同州縣將所報坍
糧逐細查勘願豁者速請豁除不願豁者繪圖

註冊通詳立案。遇有接漲果係子母相連有坵號糧冊可憑。方准撥補。其補冊所餘之地及續有新漲餘沙。盡糧歸公招墾。其江海突漲無主沙洲。若在舊冊界內。謂之故土復生。應查明報冊先後撥補。如四面臨江附近。又無應補冊戶。謂之江心突漲。照例歸公招墾。如地在兩邑。飭屬會同勘詳。願買者赴司首先繳價。在後駁飭不准。以杜爭端。○同治七年覆准。江蘇省沿江沿海蘆洲沙地。定為十年清丈一次。屆期地方官認真勘丈。按照冊漲分別并除。造具圖冊報

部不准需索文費。如無坍漲附冊聲明，不得重
文滋擾。儻藉稽查欺隱為名，將並無坍漲之地
通文索費。一經發覺，從嚴參辦。○光緒十年

諭。御史翟伯恆奏江蘇等省濱海漲坍地畝民間報
辦升科除糧書吏動多需索，請酌定簡明章程，遵
照辦理等語。著戶部議奏。欽此遵

旨議定。清理沙洲地畝，均須有大丈魚鱗清冊，方能
按籍而稽。應由江蘇、安徽、浙江、廣東各巡撫轉
飭各該藩司查照定例辦理。大丈迅將各屬沙
洲地畝造具魚鱗清冊送部備案。遇有呈報升

冊之案。即按照丈冊覈辦。於業戶呈報之日起。定限一月內。該州縣等。即行通詳各該管上司。該督撫等於一月內。即行咨部。到部後如何轉。則除課地畝。查與魚鱗冊載符合。以及新漲之灘。覈與例案相符者。均即照准。定於二十日咨覆該省照辦。若有必須查覈之件。亦定於二十日咨查。各該省於接到咨文後。統限兩月內。聲覆到部。儻該州縣有意遲延。即將該州縣查叅書吏等。仍敢需索。即將書吏懲辦。○又奏准甘肅甯夏滿營馬廠。近因黃河改流。該縣紳民改

它渠身。占用滿營廠地三十九畝四分。照章在該縣屬接連馬廠地界內。照數撥還地畝。該民人等開它旁渠口一道。逐細勘丈渠口渠身。自十四弓至三四弓。五六弓不等。嗣後挑它。通以十四弓為度。倘該民人等。有任意開它。過十四弓以外者。即行從嚴懲辦。以杜侵占。

欽定大清會典事例卷一百六十六

戶部

田賦 開墾一

開墾○順治元年議准州縣衛所荒地無主者分給流民及官兵屯種。有主者令原主開墾。無力者官給牛具籽種。○六年定州縣以勸墾之多寡為優劣。道府以督催之勤惰為殿最。每歲終載入考成。○又定地方官招徠流民。不論原籍別籍。編入保甲。開墾無主荒田。給以印信執照。永准為業。○又定招民開墾荒田。起科之年。

有司親查成熟畝數。院司勘實。奏請徵糧。不得
豫徵私派。○九年題准。八旗壯丁退出及首告
清出並各省駐防遺下之地。照開荒例招墾。○
又議准。陝西荒地酌調步兵給發牛種。令其屯
墾。○又議准。各省屯田資本。皆取贓罰及空缺
廩俸。裁扣工食等銀。不得輕挪司庫餉銀。○十
二年題准。各邊口內曠土。聽兵墾種。不得往口
外開墾牧地。○十三年覆准。州縣招人開墾。勢
必給發牛種。以資耕作。令於原糧息米豆草內
動支。去積儲地方稍遠者。量動屯本銀內給發。

次年繳完一半。三年照數完納。○十五年定各省荒地督撫一年內開墾二千頃至八千頃以上。道府開墾一千頃至六千頃以上。州縣開墾一百頃至六百頃以上。衛所開墾五十頃至二百頃以上。分別予敘。不准以二三年墾數合算。○康熙元年題准荒地未經開墾。捏報墾熟者。督撫道府州縣等官分別議處。○又題准凡官員有將熟地稱為新墾者。議處。督撫布政使司失察一併議處。○三年題准同知通判不與知府同城。自勸民開墾者。照州縣例議敘。署印官

亦一例議敘。○七年題准四川招民墾荒，准予議敘。○十四年覆准江南浙江江西有田存丁絕及田多丁稀者，招同里甲之戶丁耕種承納錢糧。○又議准地方官希圖議敘，虛報開墾者，照例議處。○十五年議准開墾田畝，徵糧全完，取結題報者，隨奏銷一同具題。遲誤者，照例議處。○又議准各省報墾勸墾荒缺田地，按照年限分數，並起科年分。水田六年，旱田十年。及額糧數目，統於歲終取結造冊題報。仍俟升科之年，將新增地畝並額徵銀糧草束，按年分析造報奏銷。以

憑覈對。○又題准。招墾荒田。不照例起科。先期
勒徵。或過期不徵。或私減地畝。定額錢糧者。分
別議處。○二十二年覆准。免徵暫荒田地。俟百
姓歸耕之年起科。○二十六年奏准。

盛京地方曠土甚多。令發遣之人屯種。○二十七
年奉

旨。嗣後民間若有出首開墾田畝。不必拘定年限。均自
出首之年徵收錢糧。該管官亦免其議處。○又議准。
私墾之田。實係無主。給予原墾之人起科。若有
主。給還原主起科。如有不肖官役藉端擾民。不

給原主。或有豪強霸占。該督撫題叅治罪。○二十九
年議准。川省荒地甚多。流寓之人。情願在
川居住墾荒者。將地畝永給為業。○三十二年
議准。陝西招民開墾。准予議敘。○又題准。雲南
明代勳莊田地。照老荒地招墾。免其納價。○又
題准。陝西西安鳳翔二府。自西北至東二千里。
遭荒流散。今招民墾種。每頃給牛具銀五兩。每
畝穀種七合。計銀一分四釐。每頃人工四名。給
銀八錢八分。均動支庫項。飭令一年之內。將荒
地墾種全完。流民招回復業。○四十一年覆准。

山東荒廢明藩基地。民人情願納價者。每畝納銀五兩。給以印帖。守為恆業。○四十三年覆准。天津附近荒地開墾萬畝。以為水田。將江南閩粵等處水耕之人。出示招徠安插。計口授田。給予牛種。限年起科。○又議准。各省墾荒田地。如有地方官隱匿入己。該撫不行嚴察。止據各州縣捏報具題者。該督即行題參。並將不稽查之司道府官一併叅處。○四十四年覆准。湖廣湖北所屬荒地。願墾者准其開墾。無力者本省文武官捐給牛種招墾。將墾過畝數具題議敘。○

雍正元年

諭口外地方遼闊開墾田地甚多將京城無產業兵丁移駐於彼殊為有益著古北口提督定議再著總理事務王大臣等會同該部詳議具奏欽此遵

旨議定將在京八旗滿洲蒙古驍騎內選熟諳農務者八百名前往熱河喀喇河屯樺榆溝三處開墾
○又

諭府州縣官能勸諭百姓開墾地畝多者准令議敘督撫大吏能督率各屬開墾地畝多者亦准議敘○又
諭開墾水田以六年起科旱田以十年起科永著為令

○又

諭開墾一事。於百姓最有裨益。但向來有司需索陋規。致開墾之費。浮於買價。百姓畏縮不前。往往膏腴荒棄。嗣後有可墾之田。聽民相度地宜。自墾自報。地方官不得勒索。胥吏亦不得阻撓。○二年議准。西甯布隆吉爾地方遙遠。情願前往者少。直隸山東山西河南陝西五省軍流人犯。連家口發遣之人。有能種地者。令其前往。地方官撥給地畝。動支錢糧。採買籽種耕牛給予。○又覆准。福建臺灣各番鹿場閒曠地方。可以墾種者。令地方官曉

諭聽各番租與民人耕種。○又議准安西屯墾
應募之兵未習土色地氣應就沿邊郡邑雇覓
農人每兵三名給幫夫一名自開墾至秋穫皆
令指引俟屯墾既嫻將雇覓之幫夫裁退。○又
覆准直隸灤州天津文安霸州任邱新城雄等八
州縣設立營田令江浙二省督撫召募老農各
送三十人每月酌給工食令其課導耕種俟本
地之民耕種得法令其回籍所需農具水車等
項亦令江浙二省各送匠人五名將式樣及造
作之法教導本地匠人一例給發工食如耕種

之小民。力不能辦。官給正項錢糧。代為經理。歲收十分之一補項。○三年覆准。直隸灤薊等處營田。有力之家。率先遵奉者。按圩田多寡。分別獎賞。○四年覆准。直隸張家口外地畝。分作十分。招種。如招種八分以上。題請議敘。不及五分。題請議處。○又覆准。四川地方。勸諭開墾。民苗愚鈍。不知開墾之法。有湖廣江西。在蜀之老農。給以衣食。令其教墾。俟有成效。督撫題給頂戴。送歸原籍。不願回籍者。聽其自便。○又覆准。滇黔二省。廣行開墾。地方官招民開墾。及官生捐

墾者。將墾熟田地。歸於開墾佃戶。於次年起科。民間自墾者。按照年限起科。○又覆准。滇黔二省廣行開墾。並定開墾事例。凡官員召募佃戶。資送開墾者。按戶數多寡議敘。軍民自備工本者。按畝多寡議敘。○又覆准。滇黔二省開墾工本。六年扣還。○五年覆准。滇黔二省招民開墾。委員及地方官。將所領工本。召募良民。開墾數多。田皆成熟者。三年之內。准其議敘。儻虛應故事。召募匪類。領銀潛逃。或開荒草率。不能種植報糧者。照才力不及例。指叅所費工本。著落該

員賠補。○又覆准。各省州縣原荒地畝。有難於墾復者。如積鹼未消。浮沙漲漫。山石磽瘠。低窪積水之區。實難限年報墾者。該督撫將難於墾復情形。於報冊內聲明。仍令所屬設法開墾。不入年限之內。○又

論開墾地畝。本應隨墾隨報。隱匿之罪。定例甚嚴。止以法久弊生。遂致墾多報少。或為民間隱漏。或為官吏侵漁。積習相沿。至於年久而姦民猾吏。恐一經首報。勢必追究。從前欺隱之處。因而多方迴護。百計掩藏。於隱糧漏科之外。又添欺罔之重罪。今朕特沛寬大

之恩。准各省官民自行出首。將從前侵隱之罪。悉從寬免。其未納之錢糧。亦不復究問。定限一年。令其首報。統於雍正七年入額徵解。倘逾限不首。復行查出。在官在民。定行從重治罪。○六年題准。各省入川民人。每戶酌給水田三十畝。或旱田五十畝。若有子弟及兄弟之子成丁者。每丁水田增十五畝。或旱地增二十五畝。一戶內實在老少丁多。不能養贍者。臨時酌增。除撥給之數外。或有多餘三五畝之地。亦准一併給墾。其奇零不成邱段之地。就近酌量安置。給以照票。收執管業。○又

覆准甘肅甯夏所屬之插漢控輝地方招民開墾借給帑項以為蓋房買牛具籽種之資凡陝西各屬無業民戶願往者計程途遠近酌給路費至彼地時每戶授田百畝○又題准各省入川民人按戶給地每戶給牛種銀十二兩所給之銀著落民戶本籍之府州縣賠補所領人戶名下免其扣還○又覆准甘肅插漢控輝地方招民開墾每戶借給牛種銀十兩至起科之年分作十年扣還○七年

諭國家承平日久戶口日繁凡屬閒曠未耕之地皆宜

及時開墾。或以食用無資。力量不及。遂不能趨事赴
功。徘徊中止。亦時勢之所有。著各省督撫。各就本地
情形。細加籌畫。轉飭有司。作何勸導。其情願開墾而
貧寒無力者。酌動存公銀。穀借給。以為牛種口糧。俟
成熟之後。分限三年。照數還項。○又覆准。滇省烏蒙
東南之田土山場。建設流官。招民墾種。但地廣
田多。非民力所能徧墾。應令兵民一併承墾。每
戶不得過二頃之外。仍量給牛種銀。統於三年
內分年完納。○又題准。粵東通省開墾工本。每
畝定以五錢。至二三錢。於存公項下支給。不敷

之銀在關羨銀內動支分限三年扣還。○又題
准四川結覺沙罵等處清出漢民五十七戶應
押送回籍有無籍可歸之戶令其開墾餘荒所
需房屋牛具等項在存公銀內動支。○又覆准
直隸荒蕪之地訪求原主招諭開墾儻原主不
自墾種別擇願耕之人准其耕種日後原主有
願復原業者令給還墾本方准復業不得恃強
爭奪違者按律治罪。○八年覆准四川松茂道
屬報墾荒田九百十有二頃六十七畝荒地七
千二百七十九頃十有八畝川東道屬報墾荒

田三千九百四十九頃三十二畝荒地九千八百六十二頃六十八畝永甯道屬報墾荒田千九百八十一頃三十畝荒地三千七百二十七頃六十八畝建昌道屬報墾荒田十有二頃六十六畝荒地三十七頃二十一畝各有奇荒地墾種六年起科荒地墾種十年起科。○九年題准安徽安慶開墾案內凡領墾之人貧寒無力令其呈明地方官結報於存公銀內每畝借給銀一錢以為資本於常平倉內給穀二斗以為籽種分限三年還項如有捏名冒領侵扣分肥

發覺之日。結報官名下追賂。○十年覆准。陝西

甘肅所屬之瓜州。

後改名安西縣

地土肥饒。可墾。將疏

勒河上流築壩開渠。引水入河。再於安家窩鋪

對岸渠道疏濬深通。引水溉田。其費於屯田銀

內動撥。○十一年覆准。甘肅高臺縣屬之柔遠

堡。鎮夷堡口外雙樹墩等地方開墾。所需開渠

夫價口糧。於軍需銀內動支。所借籽種。即於本

年扣還。牛具等銀。分作五年勻扣。○又覆准。瓜

州安插回民耕種地畝。所需加修渠道。插壩。夫

役工本。於正項內動支。借給牛具籽種口糧。分

作四年扣還。○又覆准。川省新設苗疆。河東河西各處高田下地。已經成熟。而山林坡岡之間。猶未盡闢。應招徠樹藝。但苗民耕耘無力。每戶賞給牛具籽種。以資耕種。如苗民不能全墾。招民墾耕。酌定年分。分別升科。○十二年覆准。各省山田。或先可耕種。後因水衝。僅存石骨。並濱江濱海之田。前經報墾。後經水侵坍塌者。將屆升科之年。令督撫委官復加詳覈。據實具題請豁。○又覆准。三姓城東南法爾泰邨。地方寬闊。將發到為奴之民。選取循良有妻者。暫停撥給。

令其開墾。給予牛具房屋籽種。○又奏准粵人
慣耕水田旱田不諳種植。高雷廉瓊等處平坡
山麓及沿海一帶平壤宜菽宜麥。皆可有秋。止
緣居民不曉土膏地脈之宜。一切農具又不適
用。以致地有遺利。令山東河南二省選善種旱
田者二十人送粵教耕布種。○又覆准嗣後各
州縣凡遇開墾。先將土名界址出示曉諭。定限
五月內許業戶自行呈明。如逾限不報。即將執
照給原墾之人承種管業。○又覆准甘肅所屬
鎮番縣口外柳林湖地方屯墾。應需築壩建隄。

開渠工料並夫役口糧於軍需銀內動撥其借
給牛車農具等銀分作五年扣還○又覆准甘
肅中衛縣白馬寺灘地廣可墾動支插漢挖輝
工程餘銀開渠建槽○又覆准各屬開墾地方
有司不實力奉行以少報多希圖議敘及至升
科之年按冊有餘按畝不足報墾之官已濫邀
敘典接任之官以報部定額難於詳免勢必於
里甲中勻派飛灑殊非勸墾本意各省州縣官
冊報開墾督撫務委隔屬賢員丈勘所墾之數
與所報之數果屬相符取結送部准其議敘儻

有不符。即將原報之官題參。如委官蒙混一併處分。○又覆准墾地有附近豪強之家。冒認己業。率衆搶割禾稻者。按律治罪。○又覆准劣衿土豪。藉開墾名色。將有業戶之田。濫報開墾者。照侵占律治罪。里甲地鄰及濫給執照之地方官。一併議處。○又覆准久荒之地。凡有古冢。周圍留地四丈。不得開墾。○十三年

諭。各直省勸令開墾荒地。以廣種作。以資食用。俾無曠土游民。原係良法美意。然必該督撫董率所屬官吏。實力奉行。毫無粉飾。俾地方實有墾闢之田。民間實

受耕穫之利。以此造報升科。方於國計民生有所裨益。乃朕見各省督撫題報開墾者。紛紛不一。其中多有未實。或由督撫欲以廣墾見長。或地方有司欲以升科之多。迎合上司之意。而其實並未開墾。不過將升科錢糧飛灑於現在地畝之中。名為開荒。而實則加賦。非徒無益於地方。而實貽害於百姓。嗣後凡造報開墾畝數。務必詳加考覈。實係墾荒。然後具奏。不得絲毫假飾。以滋閭閻之擾累。○又覆准開墾地畝。以多報少。以少報多。或將先墾之地。重報開墾。及荒熟地畝。不分析混報者。分別議處。○又覆

在凡抑勒首報開墾者。嚴行飭禁。其已報之田。詳加稽覈。如果係虛捏不實。即題請豁免。毋得護過文飾。○又覆准。凡隱匿新漲沙洲。不報升科。捏稱補坍。冒占。並以漕報蘆者。許業戶據實指首。免追從前隱漏糧賦。○乾隆二年。奏准。凡荒地開墾。應先行呈報。如土著呈報在先。即准土著承墾。如流寓呈報在先。即准流寓承墾。○三年

諭山西屢年首報欺隱地畝。皆經題報升科。但聞從前首報欺隱時。有果係畝數浮多。情願報出升科者。亦

有地方官奉行不善。按照原額荒缺。勒令灑派。具詳者。著該撫曉諭從前首報欺隱人等。如果畝數浮多。應行升科。再令據實首報。照數輸將。儻地畝並無欺隱浮多。而地方官按照原額荒缺。勒令灑派者。亦著據實呈明。該州縣詳報。該撫別委賢員確覈。題請豁免。○又題准。歸化城開墾地畝。應徵糧草。除離城五十里以內者。不給腳價外。其在五十里以外者。亦除去五十里。將其餘里數。照太原朔平二府屬之例。每米一石。每百里給銀一錢。每草百斤。每百里給銀七分。在存公項銀內動給。○五年

諭。豫省地土原有水田旱田二項。止以旱田賦輕。水田賦重。一經改種。必須題請加賦。朕思水田收穫倍於旱田。若可改種。則易瘠土而為沃壤。於民間自有裨益。至加增科則為數無幾。且此係現在輸糧田畝。非新墾隱匿者可比。嗣後情願將旱田改作水田者。悉從其便。錢糧仍照原定科則徵收。免其改則加賦。但各州縣地形不同。土性迥別。其不便改種者。地方官不得勉強抑勒。○又題准。直隸官山官地。以具呈先後承墾。民地先儘業主。如業主力不能墾。始許他人承墾。墾成之日。業主不得追奪。○六年覆

准陝省荒地全無出產者。招民開墾。其有現在
割漆斫竹。採取構皮。木耳等項者。聽民自便。地
方官不得目為荒地。強令墾種。亦不得以現獲
微利。勒報升科。凡文武官及紳士。將新墾地及
熟地。隱匿一畝以上。至一頃以上者。分別議處。
一應軍民。隱地一畝以上。至一頃以上者。分別
責懲。所隱田地入官。所隱錢糧。按年行追。州縣
衛所。道府。布政使司。督撫等官。將隱地查出。自
二十頃以上。按畝紀敘。不能查出者。分別議處。
竈地隱漏地主將本身地呈報州縣。而州縣不
亦照此例

呈報司道府等官。或州縣已報而司道府不詳明督撫者。皆照例處分。○又覆准陝省無主荒地設法勸墾。官為插標招墾。給照為業。俟升科之年。覈明等則。酌定糧額題報。若本地人力無餘。准令鄰近無業之人承墾。給照之後。即編入土著保甲之內。令該管保長等稽查。再地廣民稠。若不定以額數。易啟包占之弊。其平行易收之地。每一壯丁。定以五十畝為率。山岡沙石難收之地。每一壯丁。定以百畝為率。其父子兄弟。如均係壯丁。再行酌量加增。○七年題准。浙省

新漲沙塗。除孤懸海外。向係封禁者。不准墾種。外。其餘附近內地。先行勘丈。明確詳立冊籍。如某處新漲沙塗若干頃。定以百畝為一號。挨次編冊。出示曉諭。凡承墾者。照依示內號數具呈。無論民窳。以首先呈報者為準。印官即於原丈冊內註明。給照窳則移場經理。民則歸縣管辦。並令各墾戶將原承號數。自立界石於地頭。每十號為一甲。承及十號。印官親詣點驗稽查。十甲之中。選擇老農一人。責令專司教導。六年之內。果能化斥鹵為膏腴。將原立老農。從優嘉獎。

給以花紅。免其雜派差徭。○又題准。陝省未墾荒地。有業主情願自墾者。不必勒以年限。或墾後力不能繼。亦准其續行具呈。官為招墾。至於招墾給照之後。其地即永給墾戶為業。所議之價。有力者現交。稍有力之家。少者二年。多者三年。照價清還。如期限已滿。墾戶他去。別為招墾。日後不得仍執前照復爭此地。○又題准。甘肅所屬地處邊徼。從前開墾之始。小民畏懼差徭。藉紳衿報墾。自居佃戶。迨至相傳數世。忘其所自。或年歲偶歉。拖欠租糧。或役使不從。口角嫌

隙。業主之子孫。既欲奪田換佃。而原佃之家。忿
爭。越控。靡有底止。嗣後如佃戶果係原墾之子
孫。其業主不得擅更。原墾之地。業主子孫欲自
種者。准將肥瘠地畝各分一半。立明合同。報官
存案。業主轉移他徙。土田曠廢。承種之戶。積苦
耕犁。應差納課。既已有年。姦民不得藉端爭控。
即原業之子孫回籍。亦不便全令給還。計其拋
荒年分。酌量分給。至三十年以外。是否原業之
子孫。無從考究。則概不分給。如有業主回籍。在
一二年之內者。將當年所獲籽粒。全給承種之

戶承辦糧差。次年仍歸原業。○九年

諭。外省鎮將等員。不許在任所置立產業。例有明禁。朕聞臺灣地方。從前地廣人稀。土泉豐潤。彼處鎮將大員。無不創立莊產。招佃開墾。以為己業。且有客民侵占番地。彼此爭競。遂投獻武員。因而踞為己有者。亦有接受前官已成之產。相習以為固然者。其中來歷總不分明。是以民番互控之案。絡繹不休。若非徹底清查。嚴行禁絕。終非寧輯番民之道。著逐一查勘。凡歷任武職大員。創立莊產。查明並無侵占番地。及與民番並無爭執之案者。均令照舊管業外。若有侵占

民番地界之處。秉公清釐。民產歸民。番地歸番。此後
臺郡大小武官。創立莊產。開墾荒地。永行禁止。儻有
託名開墾者。將本官交部嚴加議處。地畝入官。該管
官通同容隱。一併議處。○又議准。浙省上虞之夏蓋
湖。餘姚之汝仇湖。關係水利。自應使之寬深容
納。庶旱潦有資。蓄洩無礙。凡有湖蕩之地。詳加
查勘。除已經報墾地畝外。其餘蓄水之處。劃明
界限。不許再行開墾。阻塞水道。其從前已墾地
畝。亦令覈明有無升科。分別辦理。○十一年議
准。官地民業。凡有關於水道之蓄洩者。一概不

許報墾。僅有自恃己業。私將塘池陂澤改墾為田。有礙他處民田者。查出重懲。如果有可墾之地。應改之田。於水道並無妨礙。仍聽民間報官勘明。准其開墾。改則升科。若地方各官任民混請改墾。查勘不實者。該督撫即題來議處。又題奉。閩省臺地綿亘二千餘里。近山有水之處。皆屬膏腴。人力易施。種植之獲。倍於內地。嗣後內地民人。如有私買番地者。告發之日。將田歸番。照律計畝治罪。荒地減一等。强者各加一等。具有潛入生番界內私墾者。照律嚴懲。○十八

年題准嗣後民間報墾荒地布政使司刊刻執照鈐蓋司印豫發各州縣俟墾戶呈報勘明即將業戶姓名畝數四至填明照內給發業戶給過司照數目及業戶姓名畝數四至歲終造冊彙報藩司查覈其開墾成熟者於應起科之年照例徵收其承墾之後或因丁壯消亡或因地上燒薄墾不成熟者准令呈報地方官勘明銷繳原給執照如業戶不請司照即以私墾治罪地方官查勘不實或私行濫給亦即題參議處

○四十七年

論河灘地畝。居民開墾日久。必致填塞河身。於河道大有關繫。且居民廬舍。占據灘地。猝遇水漲之時。勢必淹沒。於民居亦多未便。因諭令確加履勘。其隄外地處高阜者。仍聽照常居住耕種。若占居隄內。於水道有礙。即行明切曉諭。俾陸續遷徙。並令該督撫等妥為經理。毋致貧民失業。但此事當為之以漸。持之以久。因思灘地居民。墾地結廬。已非一日。小民自謀生計。亦必非當衝刷之灘。聚民墾種。若偶然而徙衝刷。是伊自取。即水退亦不可復令其居住。若其目前無事。安居已久。不免安土重遷。且河隄以外。均屬民田。

亦無隙地可以遷徙。所有舊居隄內灘地無礙河身者。民人已經築室墾種。仍加恩准其各守舊業。毋庸押令移居。以副朕塵念窮黎之意。至此後河南山東江南直隸等省。凡屬濱河隄內灘地。該督撫河臣等必當嚴切查禁。毋許再行居住占種。如有侵占灘地阻遏水道者。惟該督撫河臣等是問。○五十年議准湖南長沙澧州等九府州屬。共有弁田六萬六千八百八十餘畝。係康熙年間投誠官兵並裁汰弁兵撥給荒地。令其開墾。作為世業。承種之人。遞相轉鬻。居其大半。嗣後除乾隆二年以前

已賣田三萬七千餘畝免辦外。後經查出田二萬八千餘畝。俱照民產准其買賣。納稅承種。并田名色悉行除去。隱匿漏稅照例治罪。○五十二年覆准江西廣信府屬歷經封禁之銅塘山周圍約三百里。北係江西上饒廣豐縣界。南係福建崇安浦城縣界。禁山之外邨落居民久經編入各縣都圖。可開山地陸續報開升科。已無餘剩。其實在禁山不過一百數十里。若弛禁召墾。轉恐招集貧民為匪滋擾。仍行封禁。山口用巨石壘築。派令巡檢把總常川巡視。營縣按月

查看道府分季巡查。令江西南昌福建建甯兩鎮總兵每年各巡查一次。○五十二年奏准浙江象山縣大小南田樊嶼鷓鴣頭大佛頭大月嶼若魚頭等處孤懸海外直接大洋外則支港繁多。內則島嶼叢雜自前明久經封禁嗣後如有妄生覬覦以開墾為辭混行呈請者從重治罪。○五十三年

諭。荆州郡城屢被水患。因郡治下游江內有害金洲一道。侵占江面。漲沙逼溜。而本地蕭姓民人於雍正年間至乾隆二十七年。陸續契買洲地。種植蘆葦。每年

納課。蕭姓貪得利息。逐漸培植。每遇洲沙漲出。蘆葦即環沙而生。阻遏江流。以致上游壅高。所在潰決。已令將蕭姓家產查抄。交刑部按律治罪。各省民田蘆舍。百姓等守其世業。或一姓相傳。先疇是服。或甲姓之業。售與乙姓。皆在所不禁。今害金洲。因沙漲而成。何得謂蕭家之祖業。此必係姦民見江中漲出洲地。墾種可以獲利。藉升科為名。納租認種。其交官者不過數十分之一。而地方官吏亦必得其利賄。其餘盡飽姦民之慾壑。一經具呈。地方官因受其賄求。遂罔顧利害。代為蒙混具詳。而督撫等亦漫不加察。率准

題達任令據為己業。牟利肥家。而姦民因報官有案。又貪利不已。逐漸培植。以致蘆葦環洲而生。阻遏江流。衝決隄。墜城郭。以致數萬生靈。感受其害。現將蕭姓查抄治罪。實不為枉。但小民惟利是圖。止期益己。不顧損人。亦不持蕭姓為然。即如黃河之外灘。以及西湖淀河。山東江南湖陂等處。百姓私占耕種甚多。屢經曉諭飭禁。而姦民貪圖利息。地方官吏又思從中分肥。並不實力查禁。任令開墾居住。與水爭地。或藉口升科。輸納少許。一經潰決。不特附近居民咸遭淹浸。而修築撫綏。糜費倍蓰。於國計民生。均無利有。

害著傳諭各督撫嗣後凡濱臨江海河湖處所沙漲地畝除實在無關利病者毋庸查辦外如有似害金洲之阻遏水道致為隄工地方之害者斷不准其任意開墾妄報升科如該處民人冒請認種以致釀成水患即照蕭姓之例嚴治其罪並將代為詳題之地方等官一併從重治罪決不姑貸○五十四年覆准江南省濱臨江海新淤沙地除應行補坍及撥補所餘許召無業窮民認墾仍照舊例辦理外如有腹內小港新漲沙地並非江海新漲均應歸公招墾令民自行具結承買毋許一人領案

包攬。○又奏准四川峨眉縣境內蠻歸岡以西至太平堡一帶荒地甚多。因界連涼山猓羅封禁不准開墾。但其地沃野百餘里。若永遠封禁。未免地利可惜。逐一丈量。自蠻歸岡西南直至官科河冷磧關猓羅交界。幅員二百餘里。有可墾之地一萬七千餘畝。招徠附近農民三百餘戶。令其試墾。兩三年來已有成熟之處。隨又勘明以官科河冷磧關東北為現墾官地。西南化林坪米麻林為未墾餘荒。查明已墾成熟應於乾隆五十三年升科者一千五百六十餘畝。其

餘定以庚戌年升科者四千七百餘畝。辛亥年升科者一萬一千二百餘畝。給照認糧。分別水旱田地上中科則題報。○五十九年覆准吉林八旗官兵向有馬廠。官兵馬匹從未至彼牧放。正紅鑲紅二旗馬廠飭令無力壯丁募民揀擇開墾。照本地之例。五年後按晌起租。以抵官莊缺額之糧。其餘六旗馬廠一併募夫開墾。照例五年起租。為官兵修建房屋。操演火藥等項之用。○六十年議准山西大青山。迤北牧廠。東南交界。空出地四千餘頃。盡行開墾。歲可得租九

千餘兩。作為綏遠城添設養育兵及養贍孀婦
孤女之用。現在耕種熟地。並未墾地畝。概行丈
明舊種地畝。既照議定租銀。每畝徵收二分一
釐五毫。未墾地畝。亦照此數。於次年開墾。秋後
徵收。存儲廳庫支用。責成歸綏道。按年嚴催全
交。毋任拖欠。○又奏准浙江錢塘江南岸錢清
場沙地。原分昌泰、甯盛、盈六圍。築立馬塘為
界。內稅外牧。嗣因甯盛等圍馬塘衝斷。稅牧混
淆。今豐盈二圍尚有馬塘基址。將原埂築復。以
馬塘內者仍歸原稅。外概行歸公。現在勘得甯

盛盛三園牧地。連前撥新沙。共丈實地一十二萬八千四十餘畝。內墾種地六萬四千六百五十餘畝。草地六萬三千三百九十餘畝。仍給原佃種作。酌定墾熟之地。每畝徵租錢三百文。草地每畝徵草租錢六十文。通共每年共徵租錢二萬三千二百餘串。○又議准浙江滿營舊存昌泰豐三園墾熟牧地五千九十畝零。每畝向徵租錢六百文。山陰縣沙棍。追出充公地一千八百畝。每畝向徵租錢七百文。節年積欠無還。仍屬有名無實。嗣後照甯盛盛三園歸公新地。

概以每畝三百文定額統計各園新舊牧地共
墾熟地六萬九千七百四十餘畝每畝徵租錢
三百文未墾地六萬六千九百二十餘畝每畝
徵草租錢六十文共徵租錢二萬四千九百四
十餘串除撥給滿營養贍孤寡及無錢糧閒散
並公用等項一萬四千餘串外餘錢解司充公